



CLWB RYGBI NANT CONWY



Polisi Preifatrwydd: Clwb Rygbi Nant Conwy

Mae Clwb Rygbi Nant Conwy wedi ymrwymo i ddiogelu a pharchu eich preifatrwydd. Ar gyfer unrhyw ddata personol rydych yn ei ddarparu at ddibenion eich aelodaeth, *Rheolwr Data* dynodedig y Clwb sy'n gyfrifol am storio a phrosesu'r data hwnnw mewn modd teg, cyfreithlon, diogel a thryloyw.

1. Data Personol Rydym yn ei gasglu

Cesglir gwybodaeth personol pan fydd ffurflen aelodaeth yn cael ei llenwi gennych chi, neu ar eich rhan gan riant, gwarcheidwad, neu gofalwr os ydych o dan 18 oed. Gallwn gasglu a phrosesu gwybodaeth personol pan fyddwch yn llenwi ffurflenni neu'n gohebu â ni dros y ffôn, e-bost, neu fel arall. Gall y wybodaeth hon gynnwys:

- Enw llawn a dyddiad geni
- Cyfeiriad post, cyfeiriad e-bost, a rhifau ffôn
- Gwybodaeth berthnasol am ieched neu feddygol (Data Categori Arbennig) er mwyn sicrhau eich diogelwch yn ystod gweithgareddau'r clwb.
- Gwybodaeth a dderbynnir gan *Undeb Rygbi Cymru (URC)* yn ei gapasiti fel y corff llywodraethu cenedlaethol ar gyfer rygbi yng Nghymru.

2. Pam Mae Arnom Angen Eich Data Personol

Mae arnom angen eich data personol i weinyddu eich aelodaeth a darparu'r gwasanaethau craidd sy'n gysylltiedig â chofrestru gyda'r clwb ar "My WRU". Ein sylfaen gyfreithlon dros brosesu eich data yw cyflawni ein rhwymedigaeth i chi fel aelod.

Mae eich data yn cael ei brosesu at y dibenion penodol canlynol:

Ar gyfer Rheolwyr Timau / Hyfforddwyr / Swyddogion y Clwb

- Rhannu data personol gyda hyfforddwyr, rheolwyr timau, neu swyddogion y clwb i weinyddu sesiynau hyfforddi, gêm, a thwrnameintiau/gwyliau.
- Rhannu data personol gyda threfnwyr digwyddiadau a thwrnameintiau er mwyn hwyluso ceisiadau i gystadlu fel tîm.
- Rhannu data personol gyda'r URC lle bo angen er mwyn cydymffurfio â rheoliadau swyddogol a phrotocolau cofrestru chwaraewyr.

Ar gyfer Aelodaeth a Gweinyddiaeth y Clwb

- Prosesu ceisiadau aelodaeth, adnewyddiadau, a thaliadau tanysgrifio.
- Rhannu data gyda swyddogion y clwb i gyfleu gwybodaeth am weithgareddau'r clwb, adnewyddiadau, neu wahoddiadau i ddigwyddiadau llywodraethu a chymdeithasol.
- Dosbarthu cylchlythyrau a diweddariadau'r clwb sy'n hyrwyddo gweithgareddau'r clwb.
- Cadw cofnodion hanesyddol o berfformiadau'r clwb, gan gynnwys cyhoeddi adroddiadau gêm, canlyniadau, a thaflenni tîm swyddogol.

Data Categori Arbennig (Gwybodaeth Iechyd a Meddygol)

- Mae unrhyw ddata ieched sydd gennym yn cael ei rannu'n llym ar sail angen-i-wybod gyda hyfforddwyr timau perthnasol, swyddogion cymorth cyntaf dynodedig, a rheolwyr timau. Gwneir hyn at yr unig ddiben o sicrhau



CLWB RYGBI NANT CONWY



bod sesiynau hyfforddi, gêmiau, gwyliau a thwrnameintiau yn cael eu cynnal yn ddiogel.

- Rydym yn prosesu'r data hwn ar sylfaen gyfreithlon o ganiatâd penodol, a fydd yn cael ei ofyn amdano wrth gasglu'r wybodaeth.

Data Pobl nad ydynt yn Aelodau

- Yn achlysurol, gallwn gasglu data personol gan bobl nad ydynt yn aelodau (e.e., cyfranogwyr mewn digwyddiadau agored a drefnir gan y clwb sy'n llenwi ffurflenni cais neu ymwadiadau iechyd). Cadwir y wybodaeth hon am uchafswm o wythnosau ar ôl i'r digwyddiad ddod i ben, ac yna caiff ei dinistrio'n ddiogel. Mae prosesu'r data hwn yn dibynnu ar ganiatâd penodol a geir wrth gasglu'r wybodaeth.

3. Cyfryngau Cymdeithasol a Llwyfannau Trydydd Parti

Mae Swyddog Cyfryngau Cymdeithasol y clwb, y Swyddog Cyfathrebu Digidol a thimau unigol yn cadw cyfrifon cyfryngau cymdeithasol swyddogol (e.e., Facebook, Instagram) ar gyfer cyfathrebu cymunedol. Mae aelodaeth a chyfranogiad yn y grwpiau hyn yn gwbl wirfoddol.

Nodwch fod y llwyfannau cyfryngau cymdeithasol hyn yn gweithredu o dan eu polisïau preifatrwydd annibynnol eu hunain. Mae aelodau'n gyfrifol am adolygu'r polisïau hyn cyn cyflwyno data personol.

Nid yw Clwb Rygbi Nant Conwy yn derbyn cyfrifoldeb nac atebolrwydd dros arferion preifatrwydd, cynnwys, na thrin data llwyfannau cyfryngau cymdeithasol trydydd parti.

4. Rhannu Data a Thrydydd Partïon

Gall eich data personol gael ei rannu'n gyfyngedig o fewn seilwaith rygbi gyda:

- Swyddogion Dynodedig y Clwb ac Aelodau'r Bwrdd a'r Paneli
- Hyfforddwyr Timau, Rheolwyr, a Swyddogion Cymorth Cyntaf
- Trefnwyr Twrnameintiau a Digwyddiadau Swyddogol
- Swyddogion a gweithwyr Undeb Rygbi Cymru (URC)

Nid yw'r Clwb yn gwerthu, rhentu, nac yn darparu data personol i unrhyw drydydd parti'n eraill at ddibenion marchnata neu fasnachol.

5. Storio Data a Diogelwch

Mae Clwb Rygbi Nant Conwy yn cymryd diogelwch data o ddifrif. Mae eich data personol yn cael ei storio'n ddiogel gan ddefnyddio dulliau sy'n cynnwys, ond nad ydynt yn gyfyngedig i:

- Dogfennaeth bapur ffisegol a gedwir mewn lleoliadau diogel sydd wedi'u cloi.
- Ffeiliau electronig sydd wedi'u diogelu gan god pas ac a storir ar gyfrifiaduron diogel neu gyfleusterau diogel yn y cwmwl.
- Dyfeisiau symudol sydd wedi'u diogelu gan god pas ac wedi'u hamgryptio a ddefnyddir gan bersonél awdurdodedig.

Mae'r Clwb yn prosesu ac yn storio data o fewn y Deyrnas Unedig. Os bydd unrhyw ddata yn cael ei drosglwyddo dramor trwy wasanaethau cwmwl, mae'r Clwb yn sicrhau bod mesurau diogelu priodol ar waith i gynnal diogelwch rheoliadol safonol.

6. Cyfnod Cadw Data



CLWB RYGBI
NANT CONWY



Rydym yn cadw eich data personol am gyfnod eich aelodaeth weithredol gyda'r clwb. Mae cywirdeb data yn cael ei gynnal trwy ddiweddariadau blynyddol ar ffurflenni adnewyddu aelodaeth a chofrestriad blynyddol ar "My WRU".

Bydd unrhyw ddata personol a gedwir ar gyfrifon anweithredol yn cael ei ddinistrio'n ddiogel ac yn barhaol ar ôl pedair blynedd o anweithgarwch parhaus. Ni fydd eich data yn cael ei brosesu at unrhyw ddibenion heblaw'r rhai a nodir yn bendant yn y polisi hwn.

7. Eich Hawliau Statudol

Fel gwrthrych data, mae gennych hawliau cyfreithiol penodol o dan gyfraith diogelu data'r DU o ran eich data personol. Mae gennych yr hawl i:

- Gofyn am gael gweld y data personol sydd gennym amdanoch.
- Gofyn am gywiro data anghywir neu ddileu eich data.
- Cyfyngu ar fathau penodol o brosesu, neu wrthwynebu hynny, gan gynnwys marchnata uniongyrchol.
- Gofyn am gludiant saff data i drosglwyddo eich gwybodaeth i endid arall.

I weithredu unrhyw un o'r hawliau hyn, cysylltwch â Rheolwr Data dynodedig y clwb. Os ydych yn credu nad yw eich data wedi cael ei drin yn gywir, mae gennych yr hawl i gyflwyno cwyn ffurfiol i awdurdod goruchwyllo diogelu data'r DU: Swyddfa'r Comisiynydd Gwybodaeth (ICO).

Nodwch: Nid ydych o dan unrhyw rwymedigaeth gyfreithiol i rannu eich data personol â'r Clwb. Fodd bynnag, os dewiswch beidio â darparu manylion personol angenrheidiol, efallai na fydd y Clwb yn gallu cofrestru neu weinyddu eich aelodaeth yn effeithiol.

Rheoli Dogfennau

- **Statws:** Rhifyn 1
- **Cylchred Adolygu:** l'w adolygu'n flynyddol